

古
微
堂
詩
集

古微堂詩集卷九

邵陽魏源默溪箸

七言律詩

江行雜詩五首

嘉慶庚辰
奉母東下

試登大別觀荆鄂何似君山俯洞庭如束估帆三楚至
無窮征雁六朝聽大江東去風月白春色南來天地青
何事悲歌更懷古乾坤元氣是吾形

側聞淫雨告荆邦澤國龍鼉恣潦淖平世務耕非務戰
只今防漢勝防江庾樓風月惟揮塵楚國戈船漫擁幢
運甓舊輸閭扇客反騷空詠木蘭艤

黃蘗楚尾卽吳頭田集遙連道士洲重鎖長江無去路
翻疑巫峽在斯州上游天塹供龍戰澤國濤聲壯雁秋
名士英雄爭赤壁何如風月此橫舟田家鎮俗呼田家集與道士欲皆在蘄州東百餘里乃全楚門戶

彭蠡湖濱十日風石尤逆浪擁孤篷雲開廬嶽橫天出
日落孤山元氣中畱滯每思千嶂陟地形回憶六朝雄
九江禹貢譚經訟試向潯陽訪異同

行盡東南萬里川全家無恙五湖船范蠡羅裳天上坐
淮南雞犬鏡間仙空中雲水舟爲界水底魚龍夜有天

來自瀟湘清絕處可曾楚樹讓吳煙

秦中雜感十三首

遠遊懷古六經前不到幽岐信枉然孔孟轍轅州未九
尹毋牛背笈逾千覽輝威鳳邦誰下避弋冥鴻性自騫
石鼓未登宵雅什果然尼父有遺編

每吟仙掌月觚棱便覺身騫十二層昨夜又垂清渭釣
前身豈是萼山僧不知漢世何嬴晉自讀秦風笑檜滕
身世乾坤同逆旅何須楊僕徙穀澠

六國南轂控北函幾曾河萼掘辱顏至今漢月猶秦月

更覺潼關勝谷關間道尙聞商縣入催軍屢見禁坑還

書生讀史譚形勢果否披圖勝陟山

漢以前關在函谷唐始移潼

宅京隴首俯山東軍食經營自昔同漕運汴渠通渭上
府兵天下半關中白渠裔鍾千犁雨青海葡萄萬馬風
誰使富強歸霸佐蕭何詎讓叔孫通

關西出將倍關東趙岳張王世典戎艸木盡含邊色壯
詩書猶帶夏聲雄雲生太華從龍氣久合黃河勁騎風

要刻六朝金粉習莫將江左易崢潼

國初趙良棟岳鍾琪王進賢張勇皆

秦人

長安今日是燕京尙繫

先朝西顧情

帝子屢

持青海節

乘輿親馭朔方兵汾河特敕詢舟楫涇

渭封章辨濁清回首盛朝迂闊事百年耆耆話昇平

汾河

通舟康熙事涇渭辨濁乾隆事

邊才不与吏才妨曾憶崔陳繼召棠羽檄歲開三輔井

畫圖春課百城桑秉麾西牧誠求瘼藪疾南山詎弄潢

太息風流老侯伯馬嵬祠廟有輝光

崔紀鑒井陳宏謀課桑畢沅修馬嵬

楊妃祠皆乾隆間撫秦事

豕笑狼奔記廿年桂苻隴漢接西川元戎雪夜搜狐魅

赤子雲端寢戟鋌堡塞千峯千戰壘
犢刀萬谷萬屯田
萼陽黑水梁州地割隸何人議控邊

水淡土厚重而文不獨
鑿材駟鐵軍詩首秦風無衛鄭
禮推關學匹河汾百年文物聲名後
列郡賢庠陵谷分
尙憶萼陰徵顧李國初諸老壯榆枌
顧亭林寓萼下与李二曲李天生交善

鏡魚甌瓦盡搜淘金石叢譚盛
本朝盡挾漢霜秦粉
氣肯將王墓帝墳饒操錐詩禮明星夜
哭鬼文章薤露
謁萬歲千秋身後事龍龍茵溷各駭譁

一片渭濱周漢遺鷹揚虎視使人悲興王時雨三軍律
上將妖星半夜旗天地有時龍變化英雄無運鹿奔馳
文章更在經綸後落日柯亭弔所思

已驚函谷壓成皋又見褒斜軼虎牢南下星辰當夜大
西來地勢逐山高霜深鉅壑龍蛇蟄秋老長林虎豹豪
誰道窮途邊塞地儒冠劍佩似征袍

南山起起憶蒼生月上岐陽鳳未鳴詩到邠豐銷慷慨
游窮燕趙轉和平旅人憂樂關天下客夢山川不世情
畱滯周南何足道背關懷楚異蘭成

西師六首 道光十年

見說 王師討叛羌 詔書禍首罪邊疆 譬從南

海騷珠翠奚異西陲索白狼 張奐早辭羊馬餽王郎何

至羽書猶蟲生朽木非今日蟻潰金隄自古防

烏孫疏勒盡包荒久已門庭視朔方 一自蒲梢停塞貢

頻聞羽檄走戎羌 徵兵遠到黃龍府 輓轡翻馳回紇疆

誰識百程勞往返戎衣空壓萬駝霜 賜參贊大臣山東巡撫陸阿奏運山

東礮甘門遠赴回疆中外皆笑其非計

聞道前鋒柯爾坪萬駝魚貫月連營 盤雕雪帳寒無夢

擣賊河公夜有聲奪氣先爭疏勒壘長驅更相郅支城
長安索米頻西笑好夢前宵賊北征

徵兵九道集輪臺羽檄甘泉日夜催黑水桺環營壘立
雪山梅伴戰場開須防清野逃三窟有幾屯田徧九垓
萬里轉輸方孔亟幾時飛過白龍堆

捷書中夜過龜茲共說楊家老戰旗河霧倉黃衝壘日
陣雲崩黑倒戈時冠軍尙有乾隆勢破竹未令回紇知
從此天山一掃定凱歌楊桺勞歸師

阱獸鰐魚忽突圍何堪絕徼老王師誰陳釜畫維州議

不顧唇寒都護危百戰
三朝西顧地九秋諸將北
征時
廟謨若有姚崇在肯割陰山付月支

金陵懷古八首

道光二十年

一析青山六代宮滄桑都在水聲中只今雨雪千帆北
自古雲濤萬馬東千載江山風月我百年身世去來鴻
陸機別有興亡辨不與過秦監夏同

照殘今古秦淮水磨滅英雄晉石頭地氣輒隨王氣盡
前人畱與後人愁春秋吳越鐙前壘臺榭齊梁霧裏謳
淒絕多情天上月年年長戀冶城秋

絲竹新亭晉永嘉梧桐南內玉鉤斜如何袞藻山龍客
不許春江夜月花萬里漢淮重鎖鑰千年陵谷幾官家
東南不是宸居地底事秦皇枉翠華

黯黯青青畫不成山如晏坐水如行千年山色南都恨
五夜江濤北府兵故國潮來秋不老六朝人去雪無聲
關河太好詩難稱漁唱何曾識戰爭

南都勝國駐旌旗宮闕郊壇尙有基一自六飛歸北燕
未曾五馬化南螭臺城更遜雞鳴埭祭竈空傳龍脈詞
千古興亡無限恨寒鴉夕照又多時

今之滿城卽明之故宮也視梁武臺

城舊址更出其下朱國楨湧幢小品載明太祖晚年知
禁城窪下悔卜都之誤曾於除夕作光祿寺祭竈文言
改築勞民求地脈龍神祐護云云宜乎
成祖決計北還而福王南渡亦不永也

但見芟蘆不見江如何形勝亦滄桑荻洲沙失黃天蕩
柳岸雲迷朱雀航破浪煙青南去舫隔江雲黑北來岡
可憐一片樓船地輸與漁家占夕陽

一夜秦淮水半篙畫船直竝畫樓高青溪小艇橋頭過
樂府雞聲樹上號不信六朝金粉地但聞中夜澤鴻聲
月華如水秋如海弗照游舫照駉舫

天塹從來愁飲馬金焦幾見忽橫鯨高飛燕子城猶昨

徙族爰居海不平夜月量江樊若水秋風枯樹庾蘭成
小舟犯浪如平地誰道東南乏水兵

寰海十章

道光二十年

寰海蚨飛尙未知江河蟻潰起何時乾坤嗜欲興弧矢
飲食需屯召訟師孰使卉皮輕節鉞只因蕙苴似珠琪
不誅夏竦懲貪帥枉罷朱純謝島夷

千舶東南提舉使九邊茶馬馭戎韜但須重典懲羣飲
那必奇淫杜旅焚周禮刊書周誥法大宛苜蓿大秦艘
欲師夷技收夷用上策惟當選節旄

樓船號令水犀橫保障遶寒島嶼鯨仇錯荆吳終畏錯
間晨贊普詎攻晟樂羊夜滿中山篋騎劫晨更卽墨兵
剛散六千君子卒五羊風鶴已頻驚

誰奏中宵秘密章不成榮號不汪黃已間狐鼠神叢託
那望鯨鯢解渤攘功罪三朝雲變幻戰和兩議鑊久湯
安邦自是諸劉事絳灌何能贊塞防

揖寇原期寢寇氛力翻邊案徹邊軍但師賣塞牛僧孺
新換登壇馬服君化雪盡悲猿鶴骨檄潮猶艸鱷魚文
若非鮑老當場日肯信中貽仲達羣

仗鉞分茅細柳營託身肺腑請長纓徒間南面朝軍吏
幾見東牟馭禁兵紆袴例當驃騎貴繡衣那信呂嘉輕
指揮猶報金如意裴几湘簾海外行

門外寇難門內接水軍不與陸軍侔一新堡壘樓蘭將
百戰戈船下瀨愁貴後田單朝氣竭老來廉頗智囊收
先聲枉使羣夷懾退舍曾麾眾島舟

頗聞戎首半黔黎白日無端魍魎歸精氣變痰非異物
烏黃入藥卽兵機樓船月暈西紅海艸木雲屯東黑衣
蛋雨蜚風一惆悵盧循徵側費從違

唐書西域傳有白衣大食黑衣大食

城上旌旗城下盟怒潮已作落潮聲陰疑陽戰元黃血
電挾雷攻水火并鼓角豈真天上降瑛珠合向海王傾
全憑寶氣銷兵氣此夕蛟宮萬丈明

揭竿俄報郅支圍呼市同仇數萬師幾獲雄狐來鄭慶
誰開桺兕禍周遭七禽七縱談何易三覆三翻局愈奇
愁絕釣鼇滄海客墨池凍臥黑蛟螭

寰海後十首

爭戰爭和各黨魁忽盟忽叛若棊枚浪攻浪款何如守
籌餉籌兵貴用才驚笑天公頻閃電羣飛海水怒聞雷

漫言孤注投壺易萬古涸淵幾寇萊

大食波斯助舳艫吐蕃西徼効馳驅不教回紇供筆使
翻遣曩霄奏媢媢島國但令仇島賊天驕得不忌天吳
六州錯鑄休重錯幾見前車鑑後圖

無端風鶴雜龍蛇二月邊城未見花罨畫溪前飛敗鷁
浣紗江畔走驚麇青巒綠水西施國封豕長鯨北海笏
不信湖山金碧裏桃源無處訪胡麻

小挫兵家勝負常但須整旅補亡羊鑒軍周處罷當道
倡走荀林馬亂行白面軍中誰羽扇擎鐙盾鼻又封章

重顏赤幟騎夷幟更使江防亟海防

陣陣雷霆夾鼓聲沸脣已偏石頭涓海風逆上皆爰鳥
江水連朝飲佛狸城下萼元槃婉轉壇前贊普髮髭
百年白土山頭月曾照元戎退島師

已壞長城不念檀孟明縱用補牢難先眺宵作前禽戒
後福誰收塞馬完小大東空機杼竭再三北後轍旗寒
似聞臨別由余語翻代中朝未雨歎

倭寇前朝偏海氛張譚愈賊尙宣勤鴛鴦陣歷常蛇陣
貔虎軍成風鶴軍肯借款盟修塞備猶賢歲幣作邊助

受降城外三更月善後空從羽檄聞

盡習都俞潤色風昇平養豢百年中臨時但解驅軒鶴
無事還聞好葉龍鼉紫莫言平秀吉戈船誰禦鄭成功
若非犀兕于思辱猶詫魚麗百代雄

曾聞兵革話承平幾見承平話戰爭鶴盡羽書風盡檄
兒談海國婢談兵夢中疏艸蒼生淚詩裏鶯花稗史情
官匪拾遺休學杜徒驚絳灌漢公卿

日日漁邨理畫榔鵲姓鳩雨費評量東風忽壓西風浪
下水俄更上水檣幾見使船如陣馬愁看敵笥制鯨魴

莫登采石磯頭望恐有量江釣月航

秋興十章

瓠子秋風又屢驚干戈水旱自相爭
厝薪誰暇櫟薪計金穴甯防蟻穴傾
亢角氣纏河鼓壯櫓槍光伴大梁明
未祛鄒邑妨封殖遑說銀潢洗甲兵

谷改陵頽逆若潮懷襄以後未今朝
五行水氣乘金氣四列南條變北條
改道遑師王景策遷都先畏洛陽遙
尾閭不暘休喉舌杞國徒憂曲突焦

時有移開封省會於洛陽之議卒亦

果不

大漏卮兼小漏卮宣防市舶兩傾脂每逢籌運籌邊日
正是攘琰攘費時海若蛟宮奔貝族河宗寶藏積馮夷
莫言象數精蓍匱卦氣爻辰屬朶頤

但有公廚總聚羶斷無百載不更絃書陳蠹要三薰沐
衣舊蟣須九澣湔甲乙海王微管策下中田賦貢揚篇
鼎新革故神明事鹽漕何人破舊釜

小艸豈希橫艸侯買山爭作出山謀春風牧豎輸羊稅
秋雨文園典鵲裘弓玉不懲陽虎竊車金空等茂陵求
當年文景捐租日府海官山尙不收

海外天驕闔塞局詎符內盜起門庭那寬節鉞輿尸罰
翻重花封墨綬刑烽火狄山乘一陣風塵馬邑責孤亭
試占繁露春秋法陽月如何有赫靈

海外休談更九州江南財賦尙千秋漢家表餌和戎策
越國繒紵沼敵謀互市那須汗血馬開邊自有糞金牛
卻欣酒價年來賤半笏朱提百石舟

粟死金生孰後先由來二物互操權荒年穀賈豐年玉
下賦田徵上賦錢寒食幾曾煙果斷尾圖愁說海堪填
蝸廬外漏兼中蠹膏擁長沙家令篇

日旰傳餐五夜書如何秋氣賦凋蕪未論武備承平弛
試問文才振鐸無山澤雲雷徵蜴虺關河霜雪辨駑駒
雲霜霜雪朝朝事誰待中流始覺壺

中山一醉三千日太萼一眠五百朞秋水馬蹏天放客
春久虎尾夢回時定哀筆削惟開口官禮經綸笑得皮
輸与成都簾下卜百錢周易慰朝飢

秋興後十首

又聽賓鴻嘹唳徂雁門款塞近何如楚人微計加弓繳
漢使中宵獻帛書月下虛弦驚影後風前陣字亂行餘

五湖拔稻葦鱸別莫但臨淵自羨魚

攻伐須防元氣衰但將持重擁軍麾養癰或得中醫藥
不下翻矜國手碁降虎降龍衣鉢在功人功狗指揮疑
宋家議論何時定又報河公凍合時

戰電遶臺甘損目捕蛟赤手肯捐纓兵刑長短千秋論
號令倉皇五夜盟陷帥羊斟逃更謗歸元先軫視猶生
近聞廷律誅樊愛稍慰鴟夷萬馬聲

翁州絕地海天涯不与前朝版藉偕那用敵人歸鄆邑
更分兵力守珠崖金湯分踞三方壘斧鉞森嚴十二牌

但識守江賢守海何虞騷浙更騷淮

詔許奇材佐使軺瑟竿鉞履盡賓僚魯軍肉食誰求劇
漢室兵囊合命鼃附鵠腹毛誰翼翮掣鯨跋浪恃蘭荈
擇棲獨有中林羽江上看雲笑却超

萬言遺疏气嶙峋戶諍誰聞古蓋臣薦瑗誅彌周直史
排雲叫闕楚靈均風雷何日金滕發葵藿難通黼座陳
身後被誰焚諫艸觚棱月照漢宮闔

祇難大事不糊塗揆席虛懸歲再徂夢卜何如民月旦
風雲詎在眾都俞瓊裘海外詢溫萊豹霧山中隱釣屠

底事盡成刀筆吏申韓自昔短孫吳

屢聞閩海獲餘皇大有娥眉妬雁行三級首功收魏尚
九邊矯詔罪陳湯若從露布衡虛實試較要盟孰短長
寇拜海中恭順奏礮安阜頂脅和章

潦盡天高木落清連宵封事似銷兵夢中滄海孤鴻影
風裏銀河萬馬聲裂石穿雲何處笛淡煙疏雨五更檠
莫將太白疑殘月未曉西窗分外明

斷鴻聲似子規啼苦向江樓勸息機
畱俯寒星魚有夢
林飄紅葉鳥無衣
雲封李泌前書室
月上嚴灘舊釣磯

玩易餘功休卜筮濟時尙會解棊圍

游別海澱四章

殿試後引見出都徧眺三山
別直內廷諸翰林耆舊

萬行柳色萬聲鶯
曉徧千門萬戶春
車散花間雷殷地
珂環池畔水明人
承平侍從無封事
閬苑清嚴少世塵
不覩木天文綠赤
始知香案盡星辰

天水空明上下間
夢魂島嶠幾盤桓
鏡中魚鳥文王囿
畫裏樓臺漢苑巒
舟至輒疑風引去
槎回始覺斗闌干
賈生年少前宣室
那識君臣際會難

香山馳道出西岡
每歲蒐巡憶武皇
百丈梵王烏藏刹

三千碣堞羽林槍一白溟鯨風鶴警更無桺絮菊花觴

昆明自昔樓船地曾宴來庭萬里羌

乾隆中香山閱兵歲無定數嘉慶中

歲幸香山二次一春避桺絮一重陽登高又乾隆中英夷入貢賜游昆明湖

灞陵回首望長安廊廟江湖豈異觀憂樂不關青嶂事
泳飛只作白鷗看垂天雲勢西山拱瀑月泉聲北極寒
何必上林誇賦手煙波自有舊漁竿

楚粵歸舟紀游四首

看盡奇奇怪怪峯徧穿曲曲灣灣碁粵吳楚越舟車馬
嶺海江湖雨雪風客到嶺南疑謫宦文非海外不沈雄

半年往返八千里豈獨雲山入卷中

汧流帆重順流輕兩岸青山不識名但見無船無樹影
不知是水是風聲寄懷猿鳥蒼茫外未覺江湖感慨生
且喜韓康稀識面獨於僧寺有逢迎

濠鏡羊城水氣氤萼夷估舶自成羣門前渤海家家海
簷際榕棉寺寺雲自過嶺南詩一變疑游島國語全分
沿江魑魅窺人過擇地停橈趁夕曛

粵風咫尺視滄瀛去土離鄉島嶠輕地沃俗驕夸未富
山雄氣悍號兵勅珠江夜月喧箏鷁渤海秋風吼石鯨

且喜乘桴酬夙願五更浴日看朝主

瓜州歸棹二首

去年風雪走燕關今歲春明又報還見卽有情橫岸樹
遠來相迓隔江山濤吞北岸天無限沙漲東頭地有灣
最是纖纖新月出似知行客唱刀環

霽色陰如欲曉天亂峯青到酒尊前
消淮水知家近春入吳舫在客先
柳岸倒翻千浪雨鷺帆衝破一江煙
船娃不識離人恨但唱桃花錦浪篇

湘江舟行二首

眾山白雲歸一山人在眾山山峽環江曉受煙兼受雨
雲低生樹上生巒欲知瑟瑟蕭蕭意只在青青黯黯間
可惜舟中無畫筆天然粉本百荆關

灘聲蟬聲淪茗聲一枕瀟湘月二更蟬已帶秋送歸思
灘猶爭水畱人行惟餘茗雨吟天籟頓悟詩情似雪清
望裏勞勞十年路不知芳艸爲誰生

自天目至徑山寺

左泉右泉照石影出谷入谷聆泉聲遠石縹青近石壁
大泉鐘磬小泉琴濛濛花雨空林氣浩浩天風仙梵音

參破寒巖言外句山身溪舌一時冥

將去興化登城北拱極臺二首

傾城競贈送行文不餞朝陽餞夕曛窮海見聞惟白浪
下河憂樂在黃雲去年爭壩如爭命此日調夫等調軍
不是皇仁兼憲德那看臺笠徧苗耘

時奉制府檄總
催運河西隄工

如紙平疇似釜窪酒帘何處認人家瀕湖地冷苔生髮
近漕僧貧竹有花秣米未拋陶靖節溼卑敢怨賈長沙
不知五日張京兆何日重來竹馬撾

登高郵文游臺三首

時新修此臺甫落成
與左青士刺史登此

四面開函眼界全面牆
一旦見青天數邨明滅滄波外
萬屋縱橫積氣邊
江北無山雲作岫城南積水柳生煙
登臨不獨貪春色要看千家雨後田

何事終年最繫情
姓多望雨雨祈姓湖雲似堰當樓黑
春水浮天上樹明誰道登臨宜作賦
難忘憂樂是專城
農桑未暇還詩禮空對前賢百感生

水國城高卽當峯
況兼名勝盪心胸文章南渡無前輩
望秩東來等禪封

南宋時卽于此臺望祀
泰山故至今爲泰山祠
千載江山風

月我百年身世去來鴻與君先後憑欄客一代秦郵兩

寓公

青士往年
曾收此州

揚州病起春郊偶泛三首

花似高人不入城春風吹我出郊行近泉籜怒含龍氣
斜日林寒聚鳥聲雨雨風風春十里花花草草節清明
少年劍俠成何事老向田家課五行

一篇秋水記莊周此地分明入夢游記得芰荷香裏路
共憑楊柳水邊樓樹歸盡葉何會長泉愛吟聲不肯畱
游女那知陵谷感紅橋白塔作中秋

維摩一病未全瘳暫出中門便當游走盡乾坤終是客
望窮煙水更登樓湖山青瘦詩人壘絲竹黃昏蕩婦舟
見說牢盆生計盡況兼荒潦徧江洲

偶感三首

去年今日又清明燕子喃喃認主賓落落開開花作市
青青紫紫艸如城故園安穩非前世新夢飄零失太平
喜得南來衡嶽雁故園水陸已銷兵

季來水旱與兵戈南北東西事漸多乍喜蟻蜂安夢國
已聞烏鵲鬪銀河城完各戰蝸牛壘燎至猶甘燕雀窠

賸欲移家風鶴外桃源何處有桑禾

乍聽長歌可當泣忽聞法曲淚沾襟曲中應有思婦引
歌罷難爲獨坐人午夜風霜驚老大天涯生死話酸辛
底須玉笛催腸斷更助哀鴻叫月晨

六言絕句

題姜鶴澗山水畫幅五首

姜實節號鶴澗姜琛之子崇禎末以言事謫宣

城葬敬亭實節隱居吳門起畫舫樓工畫仿倪雲林

畫禪在畫工外逸品居神品上孝子出忠臣門春山作

秋雲狀

山寂寂兮無人水漫漫兮浸島刺舟莫問何人恐是南
朝遺老

摩詰雲林海嶽小園枯樹江南最是賦中畫外難傳蕭
瑟煙嵐

甘作吳門市卒恥稱白下畫師應是煙波釣罷偶然一
幅淋漓

雪疑笠澤滄海雲又瀟湘洞庭徑欲扁舟歸去君山夢
中更青

古微堂詩集卷十

邵陽魏源默深著

五言絕句

別內

湖海將分地，星河欲曙天。
他年相夢處，君越我幽燕。

代內

歷歷雲山頭，夢君自來去。
曉來雲氣淡，欲返不知路。

曉窗

少聞雞聲眠，老聽雞聲起。
千古萬古人，消磨數聲裏。

曉發

行李盡登程人情盡欲行
荒雞殘月落何處涿州城

初雪

小屋燈尙明前溪凍未結
不知前山中已是一夜雪

題近人山水畫冊六首

畫共十家
將六首

尺圖縮萬山方寸攢千靄
久視忽逾遙去人萬里外
一夕秋雁聲倏然江海思
寒天澹空水遙待孤帆至
荷鉏劬雲根披去青蓑笠
不見雲起時但知蓑笠溼
昨夢五老松欲乘白雲去
白雲不肯待先出厓前樹
日色不下山江聲不上樹
忽聞落葉音知有山僧語

山客老住山不知山外路
暮歸烟靄淡忘卻門前樹

大江歸舟雜詩四首

江閒浪如山江上山如浪
夢聽水仙琴誰知濤響壯
日沈山影黑月出江光白
分付柁樓人泊舟須采石
峭帆發九江迎面一聲鶻
知有南來舟烟中作湘語
濛濛烟水中流出數聲鶻
知有夜歸漁敲久泊孤嶼

湘江舟行五首

少作

一艇小如葉一江平似掌
恐驚翠濛濛緩叩中流榜
寒江賣酒艇聲遶寒江
回綠烟浮萬頃鷓鴣得一尊來

但見湘水明疑爲湘月白何來過陂聲夢徧鄰舟客
夜淡羣動息江靜一舟無忽憶山陰道和烟宿鑑湖
江程十里阻雲亂無處所千山相對嵐一棹獨歸雨
烏龍潭小泛二首

偶載一船山來遊半湖月但聞水氣香不見荷花發
風響一池荷穿香面面過直窮荷盡處空水受光多

天台贈僧二首

松下訪山僧言向后梁去又攜寺澗雲去作何峯雨
別山已十日遙望空徘徊舉頭望白雲知從師處來

盤山寄僧

別君盤山頭我復盤山路猶憶寺樓眠風泉亂高樹

虎邱夜月

骨山終不俗得月卽幽靜十里酒香雲一泓久雪影

惠山秦氏園

屋借惠山屏徑隨惠山轉誰道園中湖卻涵園外巘

山寺訪僧二首

一片閒田地一筇伴僧寺君來話白雲莫話城中事
不破四山雲何由識寺門一聲清磬響裂出一峯痕

經古寺二首

地荒雲不活寺冷夢全無木葉天風亂前山戰鬼狐
已登雲外峯更宿雲中境莫云僧產無門外雲百頃

偶拈四首

寒窗久入定半夜念無起入耳忽傾瓶此聲何所始
埽地焚香坐心与香俱灰沈沈寥寂中冥冥花雨來
見前不見後謂後非我有誰知無影人向南看北斗
眼光百里圓雷聲百里震耳目不到處証是本來性

山海關

嚴城當子夜百道起邊聲島嶼天風起如聞鴨綠兵

居庸關三首

連峯不斷青斷處一關夾無復戰場悲但尋響琴峽
登高忽地縮百里見秋毫忽憶前朝路松林度夜爨
一登巴達嶺回視如窺井何意塞門關更成雲外境

七言絕句

海淀雜詩十首

中書舍人直園班作

封事承平午未闌書生退直有餘閒他年若寫春明夢
金碧樓臺水墨山

賜園退直玉堂春
扇子湖邊蓮葉新
福地神仙天尺五
不將邊報瀆詞臣

昆明池水與天連
匯盡西山萬道泉
解識蓬萊仙島近
何須海上遣樓船

亭臺豈是氣噓成
島嶠總疑雲幻生
誰識升平醲釀久
已將寰海變蓬瀛

昨宵一雨出烟鬟
耕藉春農聽水潺
雲外樓臺樓外塔
水中樹影樹中山

躑躅湖邊落照涼
沿堤羨殺萬垂楊
清陰何必靈和殿

日日鶯聲達建章

澗泉退谷匯行宮行盡源頭路亦窮無限滄桑陵谷恨

出山泉不及山中

香山臥佛寺後卽孫侍郎承澤之退谷也窮源僻埒無足取者

龍髯便是隔山隈裂帛湖前東四堆何處香魂桃萬樹

千季風雨翠萼來

東四墓西四墓正當萬壽山後寶藏庵前皆明代妃嬪葬所也東四墓宜

桃歲供進御而都人多謠傳爲董氏墓桃又或云東四畝桃皆未親歷其地耳

前度蟠桃今又花茂陵何處薦如瓜神仙不到秋風客

畱得昆明屬漢家

寶藏庵隔嶺卽景泰陵

寶勝寺中八白龍潭山銀杏戒壇松上林自有新桃李

不用秦雲護漢封

香山寶勝寺
白皮松八株

居庸關三首

十里嶽奇託一程連雲虎跨是關城雄山尙作窺邊勢
古澗難平出塞聲

橐駝何部貢黃羊平世渾忘古戰場春艸綠如秦塞界
桃花紅過漢封疆

讀史籌邊二十季撈胸影子是山川夢回漢使旄頭外
心在秦時明月先

讀江舟中棹歌七首

雖止兩厓相闔開分從千里曲千回今朝欲合不合處
峽腹姓天東萬雷

嶺南山勢怪無情嶺北山如翠撲人風氣鬱夷天界限
始知關鎖一長城

贛州出武吉州文間氣原從光岳分底事江山寥寂久
空瞻萬壚鎖千沄

江外青山山內江別開天地闊醇龐石蓮洞口雲深處

明月歸來鶴一雙

吉水懷羅
念菴先生

水在山中如狂城青環綠遶寂無聲一篙擊破空明響

似聽江城打二更

舟行疑是破天荒
山水無人太古間
漁翁莫誤仙源路
須認溪雲自往還

峽鎖羣山十萬魂
山花四月未繽紛
前林曉忽花全放
多爲溪雷一夜奔

廬山雜詠偕蔣子瀟十三首

筍輿發鶴了無猜
何故空山響瀑雷
直爲謫仙游屐至

白雲飛舞下天來

開先寺觀瀑

誰浣胸中萬斛塵
銀河灑處念俱空
世人無柰浮名利

試作匡廬看瀑僧

四面雲屏萬仞峯僧家日月水聲中世人無奈黃梁夢
來聽匡廬半夜鐘

水複山重得洞名白雲溪處讀書聲參天峯下參天樹

誰稱松濤萬壑清

白鹿洞本無洞以四山環合得名
在五老峯下山後有長松數里

鄉導俱無路不分前僧已入萬重雲此生莫問還山路

身是匡廬舊使君

開元立廬
山使者廟

行盡峯頭忽坦平雲峯四面繞如城他年羣我舍鄱谷

飽聽天風澗梵聲

廬山頂有萬松坪今名火蓮禪院在
擲筆峯下最幽勝或云西林寺址也

遠在東

林上

一峯包括百千峯賓主堂防各異同欲識廬山真面目
看山端合在山中

西江人物稱山川寺寺屏風萬丈懸笑倒吳山衡骨肉

卻嫌五老黛參天

武進趙鳳北游廬山詩云江西之人

犯此病云云不知置吳山吳人于何地也

別有天地非人間大湖山內小湖山女兒港畔連朝泊

何異桃源銷夏灣

俗名大姑塘乃泊舟之所与太湖西山銷夏灣相似

与君同是再來僧共撥寒灰聽水聲談罷不知廬阜月

只疑青海寺中行

蔣子瀟同游自言其生時母夫人夢蜀僧至家及曾在青海塔爾寺遇番

僧胡土克圖一見知其前生事甚異

對瀑翻經石洞僧瀑聲例作佛聲聽一朝坐斲廣長舌

萬籟無聲瀑亦久

黃巖寺後石洞有揚州僧旭初跌坐其中苦行念佛三昧

東坡居士瀾翻偈水色山光強分別一朝闖破少林機

水卻是身山是舌

東林荒寺寂無聲空面香鑑似碧城安得山靈旋右障

障回嵐色與溪聲

東林寺石山反背無闌鎖故衰敗

雲根石二首

天台方廣寺僧贈予峯石有雲篆曰此雲根石也往季齊次風宗伯目力

異人能識雲起處一縷如

安雨雲攜童往鉏必得
示伯讀書處此其寺也

碧眼老胡寶氣白黃精老
十雲痕青雲根忽別山僧去
袖有石梁千仞霆

無所起時說雲起觸石無
心寂無水一從認此作雲根
海翻河翻喧不已

黃山絕頂題文殊院五首

峯奇石奇松更奇雲飛水
飛山亦飛礬山忽向江南峙
十丈花開一萬圍

不知何處是塵埃竟踏青
八頂上來欲覓寺僧無嚮導

山門空待白雲回

一綫天開透出厓如人墮地眼初開蓮花仙掌攜空起
直是重游太萼來

星辰如盃壓頭巔四大禪牀放倒眠夢裏誤伸巨靈腳
劈開二萼插秋天

不須搔首羨青蓮此地神仙不直錢高处行難闊处立
峯頭少地有餘天

揚州畫舫曲十三首

二分煙水一分人廿四橋頭四季春蒲葦有聲疑雨至

誰知湖霧是游塵

楊柳覆煙煙覆艇樓臺依水水依山
夜淡畫舫如相笑知在虹橋第幾灣

月浸平湖水不流琉璃海畔水晶樓
心疑百頃澄泓渌散作城中昨夜秋

接駕亭基丈蒿綠御碑苔臥蒼麟足
柳陰濃處鷓鴣啼還似龍舟五更曲

船船燈火船船笛步步樓臺步步花
不識滄桑惟鷺鷥衝煙還上玉鉤斜

柳濃香菴一溪煙畫漿誰衝翡翠先怪煞青青隄畔艸
遮完輦路更遮天

山外青山樓外樓人生只合死揚州養花天氣養苔地
輕載吳娃水亦柔

湖外青山山外湖人言此地舊蓬壺不知白塔紅橋景

可似清明河上圖

郭河陽清明上河圖亦在汴河之上故借例用以諧律句

舊日魚龍識翠萼池邊下鵲樹藏鴉離宮卅六荒涼盡

不是僧房不見花

凡名園皆爲園丁拆賣惟屬僧管之桃花菴小金山平山堂三處至今尚

存

忽爲壺嶠忽榮田湖光依舊百年前忍從熒火漁燈夜
還憶珠宮貝闕年

花瘦水肥三月天獨憑文匯閣欄前貫虹夜月萬千軸
壓倒揚州畫舫編

白頭天寶夢中奇莫賦蕪城落照詩金帶瓊花暫銷歇
安知不有重開時

復還醇樸謝雕鐫翻覺湖山面目全卸卻綺羅珠翠後
鏡中雲鬢更天然

吳門重晤黃南坡太守五首

時南坡歸自塞外

相逢依舊十季前萬里歸來尙黑顛試問天山久雪夜
何如江左月鐙船

瀟陵漂泊故將軍收拾豪情付淥尊幾處酒闌鐙炮後
夢回風雨戰蛟門

陽羨湘江兩夢思買田爭似買山宜吳儂似欲畱君住
乙未亭前盪槳遲三江口寶帶橋君令元和時所修理
並見乙未亭有碑紀事予所代撰也
暑汗如湯日未曛風聲挾雨隔江聞漁舟飽閱炎涼後
閒颺疏鐙出白雲

白髮坡翁海外行自言奇絕冠平生我生第一傷心事

未作天山萬里行

金山偶題

江心有地似樓臺收得煙雲四面開
底事承平無水戰濤聲猶懼海艘來

高郵州署秋日偶題五首

天無風雨不成秋只當清明上巳游
楚樹吳雲二千里滿天黃葉獨登樓

傳舍官如住寺僧半年暫主此荒城
湖邊無處看山色但愛千家帶雨耕

衙齋少地得天寬
亭畔疏花隴石安
官旣支離民又病
待成新竹斫魚竿

隔牆樹作青山看
乍曉鶯當赤子聽
僧解送花兼送竹
吏忙鈔牘更鈔經

不暇鶯花与酒旗
半忙吏牘半忙詩
新來札比催租急
江外僧徵去歲碑

卜居金陵買湖于艸堂三首

卽烏龍潭

巢由原不買山居
敢效知章乞鑑湖
底事艸堂錢十倍
只因門外水雲租

山邨城市少兼全
心遠由來地自偏
斲盡紅塵間盡屐
湖光清到臥牀前

春風綠盡一池山
閉戶文章敗葉刪
不是老僧來送筍
如何倒屣出柴關

錢唐江舟行二首

潮平風定霧全開
帆轉青山四面來
西上潮頭東下舫
一時相遇富春臺

一棹桐江帶雨回
順流竹箭綠如醅
榜人語客須晨起
前頭無數好山來

于忠肅祠

畢竟功成始屬鏤君臣遠勝靖康秋至今白馬非胥種
于浪前頭岳後頭

贈太倉水手陳阿三

季百二十歲矣短身綠瞳自言雍正末季十六歲卽充糧

船水手其時幫費每船銀五兩卽今人漕贈五銀也

百廿季前舊掌篙自言身閱四朝漕只今一舸千金費

當日堪酬四百艘

國初銀價每兩千錢以今日漕費計之則四百倍矣

贈江壽民二首

江都秀才

舉火千家待晏嬰黔敖心事翳桑林前山欲掾袁安臥

更探梅花踏雪溪

賣畫傭書換酒錢
得錢脫手賑飢眠
如何廣廈裘千丈
不及蘆花野渡船

贈張虎頭二首

河南祥符
人名炳英

湖海元龍氣不除
承平無處寄陰符
江干飯飽渾無事
坐對寒潮捋虎鬚

英雄末路少林禪
放下屠刀便晏眠
夜半蒲團獅子吼
尙疑刁斗警三邊

題傅蜀門倚劍讀書圖

學劍不成仍學書
艸堂風雨讀陰符
勸君賣劍買黃犢
五老峯前看荷鋤

題湯雨生羅浮采芝圖

偶求黃石書一卷
來訪香山四皓芝
及到人間稱小艸
出山方悔入山遲

題明人秦淮三姬小照二首

那堪白髮擾摩登
午夜楞嚴注不成
卻憶枕邊黃石老
如雷鼻息到天明

高僧劍俠竝妖姬
名士英雄海外奇
盡係山川光怪氣

不生或是昇平時

題友人填詞

刊落剗除始一家
那遑細婢按紅牙
落花庭院雖鮮好
莫詆天風謫沓華

送蜀僧歸峨眉

一從發足便千尋
不到孃家不息心
從此西盤千萬嶺
行人莫問幾多溪

歎救生船

利舵名帆日夜牽
水行爭似陸行便
雖然生死由天定

畢竟多翻浪裏船

誚荔支二首

予至南海啖荔支方知爲果品之最下視橙橘枇杷梨桃葡萄皆不及也

文非甜俗不名彰果課居然遜果娼北地葡萄南橘柚
何曾萬里貢沈香

萬里南來爲荔支百間一見負相思同心幸有莊兼阮

不受英雄耳食欺

間管阮雲臺相國制兩粵時不啖荔支同季武進莊惠生守福州歸亦極

言其色香味三劣可謂口有同嗜